

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1561 del 31/05/2022

Traduzione in ladino

Festival de la Joentù del Euregio: enscinuazions enscin ai 14 de jugn

Dai 21 ai 24 de setember del 2022, la undejeisema edizion del Festival de la Joentù del Euregio la vegnarà metuda a jir a Rorei tel Trentin e 36 studenc, dai 16 ai 19 egn, i podarà jir tel fon del argoment “Inovazion e tradizion”.

L Festival de la Joentù l pearà via co la vijita al nef ofize de informazion e coordinament Euregio a Trent e l perveit n confront con esper e relatores e l met per i joegn de descorer en cont del Euregio e de sie davegnir col president del Euregio e de la Provinzia autonoma de Trent Maurizio Fugatti.

L Festival de la Joentù del Euregio l met dant ence n rich program culturèl e de delet che tol ite workshop con aziendes inovatives del Euregio e l met de descorer con esper. Estra apede, de gra al Festival, i joegn podarà cognoscer e scontrèr conscric che vegn ca dai raions del Euregio.

Se pel se enscinuèr enscin ai 14 de jugn su <https://www.euoparegion.info/it/festival/>. Se pel tor pèrt debant.

L program de la presidenza trentina, aldò del slogan “L Euregio l é joen” la vel ge dèr lèrga ai joegn. L president de la Provinzia autonoma de Trent e del Euregio Fugatti l sotrissea donca che “l Festival de la Joentù l é n ejempie de suzes: i joegn cognosc l Euregio e i fèsc amicizies sorafora la seides. A chesta vida i fenc i à l met de viver l Euregio, e l medemo, l é bon de ge jir do ai besegnes e a la domanes di joegn”.

Traduzion di Servijes Linguistics e Culturèl del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)